

靈寶領教濟度金書卷之二百二十二

洞微高士開光啟苦真人寫真本校

靈寶通玄秘教水南先生林靈真編

科儀完成品古靈經儀

設醮儀

燒香頌

各禮師存念如法

宣衛靈呪

五星列照煥明五方水星却火木德致昌  
榮感消禍太白辟兵鎮星四據家國利亨  
名刊玉簡字錄帝房乘懸散景飛騰太空  
出入冥無遊宴十方五雲浮蓋招神攝風  
役使萬靈上衛仙翁真道合真

鳴法鼓二十四通

无上三天九皇玉帝當召九皇靈官飛龍騎  
更綉衣使者三炁正神急上開啓玄壇土地  
方域神真臣今設醮行道謹奉為人意其諸  
丹悃已錄奏聞願得  
元皇正炁來合臣身今臣所啓速遠徑御  
至真无極大道

中天二大尊帝  
九皇玉晨道君御前

請稱法位

具位奉行玄靈瓊璣經懺道場清醮法事臣  
不與臨壇官眾等謹同誠上啓

太上无極大道斗中高上玉皇尊帝太微玉  
帝北極玄卿大帝北斗太上宮倉狼玉晨君  
北斗天任巨門玉晨君北斗天柱祿存玉晨  
君北斗天心文曲玉晨君北斗天禽廉貞玉  
晨君北斗天輔武曲玉晨君北斗天衝破軍  
玉晨君北斗天內外輔玉晨君北斗天蓬內  
弼玉晨君九皇夫人九陰內妃斗中天罡萬  
真節度奎光大帝斗中三台華蓋星君斗中  
玄曹道德諸君六十甲子星君斗極四聖真  
君三天大法師真君斗中豁落瓊璣諸大將  
軍中天黑煞威烈行綱都副統兵大將軍擊  
羊陀羅二仙使者左右綉衣使者通事舍人  
九省九府丞相真人斗中千乘萬騎仙官神  
吏本靖經錄法部諸省府院司將吏真馬本  
派祖玄真師列位真人經籍度師列位真人

本屬城隍司主者當境土地里域真官四直  
功曹三界符使醮庭內外一切威靈臣聞大  
清宮中憫羣生而應化紫微垣內凝九炁以  
儲精函三尊帝車以統臨正一建法橋而濟  
度良緣密說要法廣宣保命延生自有修真  
之路消災懺罪爰開隨力之門雖尊卑貴賤  
之有殊而禮敬修崇之罔外臣等肅陳菲薦  
恭潔蘭場寶篆煙浮瑞結紫雲之表銀缸燼  
觀光騰黃道之間伏願淵聽潛通聖心洞監  
星橋輝貫玉衡 運於魁罡雲漢昭回天駟  
旁駭於輪輻六甲六丁之侍衛斗魂斗魄之  
禁壇二十四厄靈官推森羅之齒簿百千萬  
重道乘赫奕之旌 不違咫尺之私式副  
再三之禱臣不勝望恩激切屏營之至謹稽  
首再拜奏請

請聖 初獻

具位上啓  
中天大聖斗極真尊道德官君醮筵聖眾臣  
聞樞機會府斗極都曹為日月天地江河海  
之元合陰陽木火土金水之德象陳瑤漢精

應玉清五行六甲之生人稟其神而分靈降  
炁三界萬方之列職秉其權而宣化承流災  
祥判於簡銓壽夭由其籍定昭昭應感切切  
飯依今醮官某夙荷真風幸陶化日樊籠賦  
質卑卑坐閱於駒應荆棘蒙心役役載馳於  
蟻磨凡身命運限之紀度有方陽次舍之經  
躔否泰往來吉凶停伏受中不昧爰歸神喉  
古之司臨下無私盍請命權衡之主匪曰遇  
災而始懼正圖思患以預防今有詞文謹當  
宣奏

宣詞

按如詞旨備極忱恂臣等景運欣逢尊經快  
親道生性命願承奉於真宗心濟存亡敢自  
迷於邪見是以法天象地呼陰召陽隨力建  
功肅誅一乘之玄奧頒符馳信蠲除八節之  
災危傾葵修事上之恭標藻寓由中之敬扣  
頭闔闔拜手璇璣特伸樓檜之誠庸集平和  
之慶伏願紫宸錫羨皇極疏恩教勒紫極之  
官君宣告玄曹之主宰進臨吉曜止退威星  
一十二宮既免於刑衡百六十會自消於戰

尅元皇正炁濯沐身田中極神光照臨命域  
亨九五其時之盛等八千莊算之長自天佑  
之吉無不利臣死任激切之至謹伸亞獻

亞獻

具位上啓

斗中大道九晨上真三界內外應感真靈恭  
望洪慈俯垂昭鑒臣聞東陽有赫尊其尊於  
七政之權衡垂象先私重莫重於九皇之綱  
紀提挈天地幹運陰陽况降衷身屬於斗宮  
而受炁命由於天府非繇權謝曷副康榮今  
雕官某悔過虔恭投誠獻禮念善緣之幸遇  
况中土之難生既藉悛懃願承陶治尚慮交  
干互換經緯推移六害三刑二吟七煞天羅  
地網臨黃泉急脚之鄉羊刃劍鋒御斗底竹  
羅之度飛流挽其元命臣等字拂其生身吉慶  
未臻災危易致庸扣玄元之造希垂汪濊之  
恩宣告五星指揮六甲地侯若角重華奮文  
德以被除執法怒凌伺晨煥仁輝而制伏企  
少陰少陽天一之耀勝神首神尾太一之災  
禱馬臨躔刑衡退舍更冀太尉賜福上宰延

齡司空頌金穀之饒遊擊護形神之永斗君  
衍慶春屬熙熙太常流光營業混混上帝增  
崇於福祿玄曹嚴衛於康寧景星卿雲璀璨  
靈天之景光風霽月陸離福地之春長幼怡  
如家庭穆若內外之損祥日闢公私之吉慶

川增以致八卦九宮三合四正禁忌之神祇  
退舍方隅之龍鬼承符克相攸居各安所部  
蒙如丹禱未荷玄恩臣等肅對天顏恪遵聖  
範按消災之玉訣奉解厄之金科實冀高明  
恪垂監映臣死任激切之至謹伸終獻

解厄

三獻酒

宣疏

臣謹重誠上啓

太上元極大道高上玉皇尊帝太微玉帝北  
極玄卿大帝中天大聖北斗玉晨道君斗極  
玄曹省府司治千乘萬騎應感一切真靈恭  
望洪慈洞回昭鑒臣聞霄衢寥廓空未易  
以階升神室虛靈御炁可期於几奏荷宸恩  
之浩蕩獲釐事之周圓極目紅塵莫挽鬱蔥

之紫炁馳神碧落已旋寥廓之清冥傾企徒  
深讚揚莫盡臣不勝攀戀激切之至謹稽首  
再拜奉送

回軒頌 向來

靈寶領教濟度金書卷之二百二十二

靈寶領教濟度金書卷之二百二十三

洞微高士開光啟者其人蒙金授

靈寶通古弘教水南先生林靈真編

科儀立成品靈寶經  
道場用

方儀儀

等今故燒香皈身皈神皈命奉為齋主某  
仰謝太上宮青城玉樓太尉府貪狼陽明星  
君據斗真人玉皇九晨君元斗天樞星魁精  
玄上真皇夫人太上宮中帝君變隱逃元內  
妃日宮太陽星君室壁奎婁四宿星君下謝  
九紫離位明上大神實應大神轉火分野一  
切神仙諸靈官懺悔齋主某爰從無始逮及  
有生三業紛紜六情浩蕩多違禁戒每背網  
常上觸天文下逆地理陽干人紀陰忤神靈  
自作教他心生口語陽罪陰過無量無邊致  
使名錄玄曹愆書黑簡未經禳謝易致災危  
其或身命加臨運限守照衝犯南方離位的  
煞劫然伏吟返吟六害三刑四衝二刃榮宇  
惡曜盲尾咸神匪賴檮梟葛藤吉慶又恐謀  
家營宅舊葺新修觸犯住宅離方太歲太陰

黃豬豹尾三符七煞五鬼九良歲刑月刑定  
命撞命或生災難不自覺知以今陞壇燒香  
轉經行道伏願天皇錫慶斗極流恩赦其既  
往之愆錫以方來之祉精神茂悅步武康寧  
身有光明進吉星於分野家無厄難退凶煞  
於疆隅五福天膺三壽神錫子孫榮顯春陽  
和平凡有謀猷悉彰善慶得道之後升入無  
形和與道合真

第二

等今故燒香皈身皈神皈命奉為齋主某  
仰謝中元宮五色玉樓上宰府巨門陰精星  
君攀魁真人玉皇北上晨君玄魁宮天璇星  
虛精上玄皇夫人中元宮中帝君保胎化形  
內嬪月宮太陰星君胃昂畢甯四宿星君下  
謝八白民位退意大神真元大神定命大神  
析木星紀分野一切神仙諸靈官懺悔齋主  
某爰從無始逮至今生三業紛紜六情浩蕩  
多違禁戒每背網常上觸天文下逆地理陽  
干人紀陰忤神靈自作教他心生口語陽罪  
陰過無量無邊致使名錄玄曹愆書黑簡未